

ԿՐԹԱԿԱՆ

ՀԱՆՐՈՒԹՅԱՆԸ ՆԵՐԿԱՅԱՅՎԵՑ ՄԱՍՆԱԳԻՏԱԿԱՆ ԿՐԹՈՒԹՅԱՆ ԶԱՐԳԱՅՄԱՆ ՆՈՐ ՏԵՍՆԱԿԱՆԸ

Հոկտեմբերի 10-ին Վրաստանի կրթության եւ գիտության նախարար Գիորգի Ամիլախվա-րին, երկրի վարչապետ Իրակլի Դարիբաշվիլու հետ, հանրությանը ներկայացրեց մասնագի-տական կրթության զարգացման նոր տեսլականը, ինչը կուժեղացնի մասնագիտական կրթու-թյան համակարգում աշխատողների ներգրավվածությունը, եւ նախատեսում է նրանց համար որոշ արտոնություններ:

Նոր տեսլականի հան-գուցային ուղղություննե-րից մեկը, մասնավոր հատ-վածի հետ միասին, մաս-նագիտական կրթության ապահովման մասնակցու-թյունն է, ինչը նախատե-սում է հանրային եւ մաս-նավոր հատվածների գոր-ծընկերության ձեւակեր-պում եւ բիզնես ոլորտի ներկայացուցիչների մաս-նագիտական հանրակր-թական ծրագրերի համա-տեղ իրականացում: Պե-տությունը մասնագիտա-կան կրթության ոլորտում մասնավոր հատվածի եւ գործատուների հետ, կի-րականացնի ներդրումներ, ինչը կնպաստի շուկայի պահանջներին համապատասխան կադրերի պատ-րաստմանը, ինչն իր հերթին կմեծացնի աշխատան-քով ապահովվածների ցուցանիշը: Պետությանը կողմից դա հանդիսանում է մասնավոր հատվածի



առաջարկած նորարական մոտեցում, որը նախա-տեսում է միջազգային լավագույն փորձը:

(Շարունակությունը՝ 6-րդ էջում)

ՎՐԱՍՏԱՆ - ԱՂՐԲԵՋԱՆ

«ՀԱՐԱՎԱՅԻՆ ԿՈՎԿԱՍԻ ԵՐԵՔ ԵՐԿՐՆԵՐԸ ՊԵՏՔ Է ԿԱՐՈՂԱՆԱՆ ԻՆՔՆՈՒՐՈՒՅՆ ԼՈՒԾԵԼ ՏԱՐԱԾԱՆԸՐՋԱՆԱՅԻՆ ՀԱՐՅԵՐԸ»

Հոկտեմբերի 9-ին մեկօրյա աշխատանքային այցով, Թբիլիսիում էր գտնվում Ադրբեջանի նախագահ Իլհամ Ալիևը: Այցի շրջանակներում, կայացավ Վրաստանի վարչապետ Իրակլի Դարիբաշվիլու եւ Ադր-բեջանի նախագահ Իլհամ Ալիևի առանձնազրույցը, ապա բանակցությունները շարունակվեցին ընդ-լայնված կազմով:

Բանակցությունների ավարտին Վրաստանի վարչապետն ու Ադրբեջանի նախագահը համատեղ մամլո ասուլիսում հանդես եկան հայտարարություններով:

ՏՆՏԵՍԱԿԱՆ ԵՎ ՈԱՋՄԱՎԱՐԱԿԱՆ ԳՈՐԾՆԿԵՐՈՒԹՅՈՒՆ

Ադրբեջանը Վրաստանի ռազմավարական գործըն-կերն է, բարեկամ պետու-թյուն, որի հետ մեզ կապում է դարավոր եղբայրությու-նը, պարոն Իլհամի ներդ-րումն այս գործում շատ մեծ է,- Ադրբեջանի նախագահի հետ հանդիպման ավար-տին անցկացված համա-տեղ մամլո ասուլիսում հայ-տարարեց Վրաստանի վար-չապետ Իրակլի Դարիբաշ-վիլին եւ հավելեց.

- Քննարկեցինք էներգե-տիկայի, տրանսպորտի, լո-գիստիկայի ոլորտներում համագործակցության հարցեր: Ադրբեջանը Վրաս-տանի առեւտրային հիմնական գործընկերներից մեկն է: Ամեն տարի այն առաջին հնգյակում է: Այս տարի առեւտուրն աճել է 15 տոկոսով: Անցյալ տա-րի էլ ռեկորդային ցուցանիշ ունեցանք: Աճել է նա-եւ բեռնափոխադրումների ծավալը: Ընդհանրա-պես նշեմ, որ մենք շատ հաջող համագործակցում ենք բոլոր հարցերում՝ լինի դա էներգետիկ, տրանս-պորտային, լոգիստիկա, թե այլ բնագավառ: Մեր երկաթուղիները նույնպես շատ հաջող համագոր-ծակցություն ունեն:



ԻՐԱԿԼԻ ԴԱՐԻԲԱՇՎԻԼԻ. «ԹԲԻԼԻՍԻՆ ՊԱՏՐԱՍՏ Է ԿԱՏԱՐԵԼ ՄԻՋՆՈՐԴԻ ԳՈՐԾԱՌՈՒՅՈՒՆԵՐԸ...»

Վրաստանի վարչապետ Իրակլի Դարիբաշվի-լին, Ադրբեջանի նախագահ Իլհամ Ալիևի հետ հանդիպումից հետո անցկացված համատեղ մամ-լո ասուլիսում, հույս հայտնեց, որ Ադրբեջանի եւ Հայաստանի միջեւ մոտ ժամանակներում կծեւա-կերպվի խաղաղության համաձայնագիր, ինչը կն-պաստի Հարավային Կովկասում երկարաժամկետ

(Շարունակությունը՝ 4-րդ էջում)

ԵԿԵՂԵՑԱԿԱՆ

ՎԻՐԱՅԱՅՈՑ ԹԵՄԻ ԱՌԱՋՆՈՐԴ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԶԵՌԱՄԲ ՕԾՎԵՑ ԵՊԻՍԿՈՊՈՍ

Հոկտեմբերի 8-ին Մայր Աթոռ Սուրբ Էջմիածնում, Սուրբ Տրդա-տի բաց խորանում տեղի ունեցած եպիսկոպոսական ձեռնադրու-թյան եւ օծման արարողությանը, Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի ձեռամբ, ի թիվս այլ վարդապետների, եպիս-կոպոսության աստիճանի արժանացավ նաեւ Վիրահայոց թեմի առաջնորդ Տեր Կիրակոս վարդապետ Դավթյանը:



Եպիսկոպոսության աստիճա-նի արժանացան նաեւ Իրաքի Հայոց թեմի առաջնորդ Հոգեշ-նորի Տեր Օշական վարդապետ Գյուլգյուլյանը, Երուսաղեմի Հա-յոց Պատրիարքության տնօրեն Ժողովի ատենապետ Հոգեշնորի Տեր Թեոդորոս Ժայրագույն վար-դապետ Զաքարյանը, ԱՄՆ Հա-

յոց Արեւելյան թեմի առաջնորդ Հոգեշնորի Տեր Մեսրոպ վար-դապետ Պարսամյանը, Երուսա-ղեմի Հայոց Պատրիարքության կալվածոց տեսուչ Հոգեշնորի Տեր Կորյուն Ժայրագույն վար-դապետ Բաղդասարյանը:

(Շարունակությունը՝ 5-րդ էջում)

ՏԵՐ ԿԻՐԱԿՈՍ ԵՊԻՍԿՈՊՈՍ ԴԱՎԹՅԱՆ

Տեր Կիրակոս եպիսկոպոս Դավթյա-նը (ավագանի անունը՝ Գեւորգ) ծնվել է 1982թ. մայիսի 20-ին, Թբիլիսիում:

Տեղի թիվ 104 միջնակարգ դպրոցն ավարտելուց հետո, սովորել է Մայր Աթոռ Սուրբ Էջմիածնի Գեւորգյան հոգեւոր ճե-մարանում:

2004թ. դեկտեմբերի 25-ին՝ Սուրբ Ստեփաննոս Նախասարկավազի տոնին, ձեռամբ Հարավային Ռուսաստանի Հա-յոց թեմի Առաջնորդ Տեր Եզրաս եպիս-կոպոս Ներսիսյանի, ստացել է սարկա-վագության աստիճան:



(Շարունակությունը՝ 5-րդ էջում)

ՎՐԱՍՏԱՆ - ՀՈՒՆԳԱՐԻԱ

ՀՉՈՐ ԱՃԴԱԿ՝ ՎՐԱՅ-ՀՈՒՆԳԱՐԱԿԱՆ ՀԱՐԱԲԵՐՈՒԹՅՈՒՆՆԵՐԻ ԶԱՐԳԱՅՄԱՆԸ

Հոկտեմբերի 10-12-ը եռօրյա պաշտոնական այցով Վրաստա-նում էր գտնվում Հունգարիայի Հանրապետության վարչապետ Վիկ-տոր Օրբանը:

Այցի շրջանակներում, կայա-ցավ Վրաստանի վարչապետ Իրակլի Դարիբաշվիլու եւ Հուն-գարիայի վարչապետ Վիկտոր Օրբանի առանձնազրույցը, որին հաջորդեցին կառավարական պատվիրակությունների ընդ-լայնված կազմով բանակցու-թյունները:

Երկու երկրների վարչապե-տերի դեմ առ դեմ հանդիպմանը քննարկվեցին Վրաստանի եւ Հուն-գարիայի սերտ գործընկերությու-նը, նշվեց, որ երկրների միջեւ

համագործակցությունը համա-տեղ ջանքերով տեղափոխվել է նոր փուլ, որը ներառում է այցե-լությունների պարբերական փո-խանակում եւ ոլորտային կապե-րի ընդլայնում:

Կողմերը քննարկեցին տար-բեր ոլորտներում արդյունավետ համագործակցության խորաց-ման հեռանկարները: Վրաստա-նի վարչապետի խոսքով, Վրաս-տանում միջկառավարական գա-զաթափողովի անցկացումը Բու- (Շարունակությունը՝ 4-րդ էջում)

ՊԵՏՐՅՈՒՋԵ

ՊԵՏՈՒԹՅԱՆ ԱՌԱՋՆԱԶԵՐԹՈՒԹՅՈՒՆՆԵՐԸ ԱՌՈՂՋԱՊԱՀՈՒԹՅԱՆ, ՍՈՑԻԱԼԱԿԱՆ ԵՎ ԿՐԹԱԿԱՆ ՈԼՈՐՏՆԵՐՆ ԵՆ

Վրաստանի խորհրդարանը ձեռնամուխ եղավ երկրի կառավարության կողմից ներկայացված 2024 թվականի պետական բյուջեի նախագծի քննարկմանը:

Կառավարության հավաստմամբ, հաջորդ տարվա բյուջեում առաջնահերթային են մնացել առողջապահության, սոցիալական, կրթական, ինչպես նաև ուժային կառույցների ֆինանսավորումը:

Մասնավորապես, հաջորդ տարի առողջապահության նախարարության ֆինանսավորումը կկազմի 7,735 միլիարդ լարի, ինչը 877 միլիոն լարիով ավելի է ընթացիկ տարվա ցուցանիշից: Վրաստանի կրթության եւ գիտության նախարարության բյուջեն 2024 թվականին կկազմի 2 340 միլիարդ լարի: Այս ցուցանիշը 309 մլն լարիով կգերազանցի 2023 թվականի տվյալները:

Հաջորդ տարի Վրաստանի կառավարությունը նախատեսում է 50 լարիով

բարձրացնել 70 տարեկանից բարձր անձանց կենսաթոշակները: Այն ամսական կկազմի 415 լարի: 70 տարեկանից բարձր եւ երկրի բարձրալեռ շրջաններում բնակվող անձանց ամսական կենսաթոշակը կկազմի մինչեւ 500 լարի: Մինչեւ 70 տարեկան անձանց կենսաթոշակը կավելանա 20 լարիով եւ կկազմի 315 լարի, իսկ բարձր լեռալեռ շրջաններում ապրող նույն անձինք ամսական կստանան 380 լարի կենսաթոշակ:

2024 թվականի բյուջեի նախագծով պաշտպանության նախարարության, ներքին գործերի նախարարության եւ Պետական անվտանգության ծառայության ֆինանսավորումը կավելանա 239 միլիոն լարիով:

Վրաստանի պաշտպանության նա-



խարարության բյուջեն 2024 թվականին կկազմի 1,370 միլիարդ լարի, ինչը 110 միլիոն լարիով ավելին է, քան 2023 թվականին: Հաջորդ տարի իշխանությունները որոշել են ներքին գործերի նախարարությանը միջոցներ հատկացնել 1 210 միլիարդ լարիի չափով, ինչը 104 միլիոն լարիով ավելի է 2023 թվականի ցուցանիշից: Վրաստանի պետական անվտանգության ծառայության բյուջեն հաջորդ տարի կկազմի 205 մլն լարի: Դա 25 մլն լարիով ավելին է 2023 թվականի բյուջեից:

ԽՈՐՀՐԴԱՐԱՆ

ԽՈՐՀՐԴԱՐԱՆԱԿԱՆ ՄԵԾԱՄԱՍՆՈՒԹՅՈՒՆԸ ԾՐԱԳՐՈՒՄ Է ԿԱՆՈՆԱԿԱՐԳԻ ՓՈՓՈԽՈՒԹՅՈՒՆ

ՊԱՇՏՈՆԱԿԱՆ ԱՆՁԱՆՑ ԸՆՏՐՈՒԹՅԱՆ ԵՎ ՊԱՇՏՈՆԱԿՈՒԹՅԱՆ ՈՐՈՇՈՒՄՆԵՐԸ ԿԵԼԳՈՒՆԱԿԵՆ ԲԱՅ ԶՎԵԱՐԿՈՒԹՅԱՐ

Վրաստանի խորհրդարանում «Վրացական երազանք» խմբակցության նախաձեռնությամբ, օրենսդիր մարմնի քննարկմանն է ներկայացվել խորհրդարանական կանոնակարգի փոփոխություններ առողջ օրինամախազի, ըստ որի, խորհրդարանի կողմից պաշտոնատար անձանց ընտրության եւ պաշտոնանկության մասին որոշումները կկայացվեն բաց քվեարկությամբ, գաղտնի քվեարկության փոխարեն:

Նոր փոփոխություններով բաց քվեարկության կանոնը կտարածվի նաեւ պաշտոնատար անձի իմփիչմենտի կարգով հեռացնելու հարցով քվեարկության դեպքերի վրա:

Փոփոխություններում նշվում է, որ քվեարկության ընթացքում գաղտնիության կանոնը պահպանվելու է միայն խորհրդարանի նախագահի ընտրության դեպքում, քանի որ, ըստ սահմանադրության, նա պետք է ընտրվի փակ քվեարկությամբ:

Խորհրդարանական մեծամասնությունը նախաձեռնել է եւս մեկ կանոնակարգային փոփոխություն. հինգ փոխոսնակի փոխարեն, խորհրդարանի նախագահը կունենա յոթ տեղակալ: Փոփոխությունների համաձայն, երեք տեղակալ կընտրվի խորհրդարանական մեծամասնությունից, երեք պատգամավոր՝ խորհրդարանական ընդդիմության խմբակցություններից:

ԻՐԱԿԼԻ ԿՈՒԲԱԽԻԶԵ. «ՀԱՎԱՔՆԵՐԻ ԵՎ ՅՈՒՅՅԵՐԻ ՄԱՍԻՆ» ՕՐԵՆՔԸ ԵՐԿՐԻ ՆԱԽԱԳԱՀԻՆ ՉԻ ՈՒՂԱՐԿՎԻ ԵՎ ՈՒԺԻ ՄԵՋ ԿՄՏՆԻ ԱՌԱՆՅՆՐԱ ՍՏՈՐԱԳՐՈՒԹՅԱՆ»



Ինչպես արդեն հաղորդել ենք, Վրաստանի խորհրդարանը հավանություն տվեց «Հավաքների եւ ցույցերի մասին» օրենքի նախագծին:

Փոփոխությունների համաձայն, հավաքի եւ ցույցի մասնակիցներից արգելվում է ժամանակավոր շինություններ հիմնել, եթե դրանց դասավորությունը վտանգ է ներկայացնում հավաքի կամ ակցիայի մասնակիցների կամ այլ անձանց համար, խոչընդոտում՝ ոստիկանության կողմից հասարակական կարգի եւ անվտանգության պահպանմանը, առաջացնում է ձեռնարկության, հիմնարկի կամ կազմակերպության բնականոն գործունեության խաթարում: Բացի այդ, հանրային տարածքի արտաքին տեսքի խեղաթյուրումից խուսափելու համար, հավաքի կամ ցույցի մասնակիցներին արգելվի ստեղծել ժամանակավոր կառույց, եթե առանց դրա կազմակերպման հավաքը կամ ցույցը էականորեն չի խոչընդոտվի:

Նշենք, որ օրենքի փոփոխությունների դեմ հանդես եկավ խորհրդարանական ընդդիմությունը: Ընդդիմադիր պատգամավորների հավաստմամբ, երկրի նախագահն այս օրենքը չի հաստատի եւ կօգտվի վետոյի իրավունքից:

Հաշվի առնելով տվյալ հանգամանքը՝ «Վրացական երազանք» կուսակցության նախագահ, խորհրդարանի պատգամավոր Իրակլի Կոբախիձեն հայտարարեց, որ «Հավաքների եւ ցույցերի մասին» օրենքը նախագահին չի ուղարկվի եւ ուժի մեջ կմտնի առանց նրա ստորագրության:

- Մենք որոշեցինք հավաքների մասին օրենքում փոփոխությունները չուղարկել նախագահին նրա ստորագրության համար, քանի որ խորհրդարանն այս օրենքն ընդունել է ոչ թե Վրաստանի սահմանադրության 45-46-րդ հոդվածների հիման վրա, այլ՝ 36-րդ հոդվածով: Ըստ այդմ, օրենքը ուժի մեջ կմտնի անմիջապես առանց նախագահի ստորագրության,- ասաց Իրակլի Կոբախիձեն:

ՎՐԱՍՏԱՆ - ԱՄՆ

ԴԵՍՊՈՒՆ ՌՈԲԻՆ ԴԱՆԻԳԱՆԸ ՀԱՎԱՏԱՐՄԱԳՐԵՐԸ ՀԱՆՁՆԵՑ ՎՐԱՍՏԱՆԻ ՆԱԽԱԳԱՀԻՆ

Հոկտեմբերի 12-ին Ամերիկայի Միացյալ Նահանգների նոր արտակարգ եւ լիազոր դեսպան Ռոբին Դանիգանը իր հավատարմագրերն է հանձնել Վրաստանի նախագահ Սալոմե Ջուրաբիշվիլուն:

Օրբելիանիների պալատում անցկացված հավատարմագրերի հանձնման պաշտոնական արարողությունից հետո, Վրաստանի նախագահը դեմ առ դեմ հանդիպեց ԱՄՆ դեսպանի հետ:

Վրաստանում ԱՄՆ արտակարգ եւ լիազոր դեսպան Ռոբին Դանիգանը շնորհակալություն հայտնեց նախագահին ընդունելության համար եւ նշեց, որ իր համար պատիվ է ներկայացնել ԱՄՆ նախագահ Բայդենին:

- Նախագահ Բայդենը ջերմ ողջույն է հղել Վրաստանի նախագահին եւ մաղթել նրան ու վրացի ժողովրդին բարօրություն,- ասաց Ռոբին Դանիգանը:


Նշենք, որ ԱՄՆ դեսպանի պաշտոնում Ռոբին Դանիգանը փոխարինեց Զեյլի Դեգնանին, ով Վրաստանում աշխատում էր 2020 թվականի հունվարից:

Մինչեւ Վրաստանում դեսպան նշանակվելը, Ռոբին Դանիգանն աշխատել է Կենտրոնական եւ Արեւելյան Եվրոպայի հարցերով պետքարտուղարի օգնականի տեղակալ: 2018-2021 թվականներին եղել է Ավստրիայում ԱՄՆ դիվանագիտական առաքելության ղեկավարի տեղակալը:

Ռոբին Դանիգանը պետքարտուղա-



րությունում աշխատում է 1992 թվականից: Նա ծառայել է նաեւ ԱՄՆ դեսպանատներում՝ Վիետնամում, Չիլիում, Թուրքիայում, Կուբայում եւ Սալվադորում:



ՄԵՐՉԱՎՈՐ ԱՐԵՎԵԼԸ ԼԱՅՆԱԾԱԿԱԼ ՊԱՏԵՐԱԶՄ ԻՄՐԱՅԵԼԻ ԵՎ ՊԱՐԵՍՏԻՆԻ ՄԻՋԵՎ

Պաղեստինյան ՀԱՄԱՍ (Իսլամական դիմադրության շարժում) ահաբեկչական խմբավորումը, որը կառավարում է Գազայի տարածքը, հոկտեմբերի 7-ին կատարեց Իսրայելի վրա վերջին տարիների ամենամեծ հարձակումը: Նրանք Գազայի հատվածից հրթիռներ են արձակել Իսրայելի ուղղությամբ: ՀԱՄԱՍ-ի զինյալները Իսրայելի տարածք են ներխուժել պարապլաններով եւ պիկապներով:

Իսրայելը ռազմական դրություն է հայտարարել եւ զորահավաք է սկսել ՀԱՄԱՍ-ի հետ ռազմական բախումների պատճառով: Իսրայելի պաշտպանության բանակը հայտարարել է նաեւ, որ պատասխան հարվածներ է հասցնում:

Հոկտեմբերի 13-ի դրությամբ, Իսրայելում ՀԱՄԱՍ-ի հարձակման հետեւանքով զոհվածների թիվը հասել է 1300-ի: Վիրավորների թիվը 3300 է, որոնցից 28-ի վիճակը ծայրահեղ ծանր է, իսկ 350-ը՝ ծանր: ՀԱՄԱՍ-ի կողմից գերեվարված առնվազն 150 մարդու ճակատագիր անհայտ է:

Գազայի հատվածում իսրայելական օդային հարձակումների հետեւանքով զոհվել է 1537 պաղեստինցի, վիրավորվել՝ 6612-ը: Իսրայելի պաշտպանության բանակն իր հերթին հայտարարեց, որ Իսրայելի տարածքում 1500 պաղեստինցի ահաբեկիչներ են սպանվել: Սիրիական լրատվամիջոցները հայտնում են, որ Իսրայելը հարվածներ է հասցրել Դամասկոսի եւ Հալեպի օդանավակայաններին:

Նրանց տվյալներով, հարձակման հետեւանքով երկու օդանավակայանների աշխատանքը դադարեցվել է: Ըստ սիրիական պետական լրատվամիջոցների, վնասվել են երկու օդանավակայանների թռիչքուղիները: Իսրայելը չի մեկնաբանել սիրիական լրատվամիջոցների տարածած տեղեկությունը:

ԱՖՂԱՆՍՏԱՆ ԱՎԵՐԻՉ ԵՐԿՐԱՇԱՐԺ՝ ՄԱՐԴԱՎԱՅԻՆ ՁՈՐՇՐՈՎ

Աֆղանստանի արեւմուտքում՝ Հերատ նահանգում, հոկտեմբերի 7-ին տեղի ունեցած 6,3 մագնիտուդ ուժգնությամբ երկրաշարժի հետեւանքով, վերջին տվյալներով, տուժել է 2440 մարդ, մահացել՝ 2445-ը, ավերվել է 1983 շինություն:

Հոկտեմբերի 11-ին եւս մեկ հզոր երկրաշարժ է գրանցվել Աֆղանստանում: Հերատ քաղաքից 28 կիլոմետր դեպի հյուսիս 6,3 մագնիտուդ ուժգնությամբ երկրաշարժ է տեղի ունեցել: Երկրաշարժի հետեւանքով ավելի քան 100 մարդ տուժել է եւ տեղափոխվել հիվանդանոց: Մահացածների մասին տեղեկություն դեռեւս չի հաղորդվում:

ԱՄՆ

ՊԵՏԱԿԱՆ ՊԱՐՏՔԸ ՄԵՎ ԱՄՍՈՒՄ ԱՎԵԼԱՅԵԼ Է 500 ՄԻԼԻԱՐԴ ԴՈԼԱՐՈՎ

Միացյալ Նահանգների պետական պարտքը մեկ ամսից էլ պակաս ժամանակամիջոցում աճել է ավելի քան 500 միլիարդ դոլարով՝ հասնելով 33,5 տրիլիոն դոլարի:

ԱՄՆ ֆինանսների նախարարությունը սեպտեմբերի 18-ին հաղորդել էր, որ երկրի «միագումար պետական պարտքը» գերազանցել է 33 տրիլիոն դոլարը: Այն պահին այդ ցուցանիշը ռեկորդային էր: Հունիսի 16-ին այն գերազանցել էր 32 տրիլիոն դոլարի նշագիծը: Ըստ գերատեսչության վերջին գնահատումների՝ ԱՄՆ պետական պարտքն արդեն գերազանցում է 33,513 տրիլիոն դոլարը:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

«ԲԱՆԱԿԱՅԻՆ ՔԱՂԱՔ»

ԱՆՆԱԽԱԴԵՊ ԱՐՏՈՆՅԱԼ ՊԱՅՄԱՆՆԵՐՈՎ ԲՆԱԿԱՐԱՆՆԵՐԻ ԶԻՆԾԱՌԱՅՈՂՆԵՐԻՆ

Հոկտեմբերի 9-ին անցկացվեց «Բանակային քաղաքում» զինծառայողներին բնակարանների փոխանցման արարողությունը, որին մասնակցեցին Վրաստանի վարչապետ Իրակլի Դարիբաշվիլին, պաշտպանության նախարար Զուրաբ Բուրժուլաձեն, զինծառայողներ եւ նրանց ընտանիքի անդամներ:

Ավարտվեց Մախաբա լեռան վրա անախադեպ լայնածավալ «Բանակային քաղաք» բազմաբնակարան շենքի նախագիծը, որը նախաձեռնել էր վարչապետ Իրակլի Դարիբաշվիլին 2020 թվականի հոկտեմբերին: «Բանակային քաղաքի» կառուցումն ուղղված էր սպաների կենցաղային պայմանների բարելավմանը եւ իրականացվում էր զինվորականների նկատմամբ հոգատարության քաղաքականության շրջանակներում: Բնակարանները զինվորականներին բաշխվեցին Լոտտորոն սկզբունքով:

Մախաբա լեռան վրա զինվորականների համար կառուցվել է 39 յոթհարկանի շենք, որոնցում տեղակայված է 1092 բնակարան: Զինվորականները կարողացել են անախադեպ արտոնյալ պայմաններով ձեռք բերել 50 մ² (2-3 անդամ), 80 մ² (4 անդամ) եւ 110 մ² (5 եւ ավելի անդամ) բնակելի տարածք: Բնակելի տարածքի մեկ քառ.մետրի արժեքը կազմել է 200 դոլար: Ըստ այդմ, զինվորականները պետք է վճարեին մոտ 100 դոլար մեկ քառ.մետրի համար: Այս գումարը վճարելու համար զինվորականները հնարավորություն են ունեցել օգտվել ոչ թե բանկային երաշխիքներից, այլ անտոկոս ներքին վճարներից:



Ծրագիրը շարունակական է:



ՀՈԿՏԵՄԲԵՐԻ 14-ԻՆ ՎՐԱՍՏԱՆԸ ՆՇՈՒՄ Ե ՍՎԵՏԻՑԻՈՎԼՈՐԱՆ

Հոկտեմբերի 14-ին Վրաց ուղղափառ եկեղեցին նշում է «Տասներկու սուրբ առաքյալների միաբանությունը»՝ Սվետիցխուվոթան («Սուրբ սյուն»): Տոնի կապակցությամբ Մցխեթայի Սվետիցխուվելու տաճարում կմատուցվի տոնական Պատարագ:

Հիշեցնենք, որ Սվետիցխուվոթան նշվում է տարին երկու անգամ՝ հոկտեմբերի 14-ին եւ հուլիսի 13-ին: Հոկտեմբերի 14-ին եկեղեցին հիշատակում է Քրիստոսի զգեստը, իսկ հուլիսի 13-ին՝ Քրիստոսի բոլոր առաքյալների:

ՊԵՏԱԿԱՆ ՊԱՐՏՔԸ ԿՐՃԱՏՎԵԼ Է 115,7 ՄԻԼԻՈՆ ԴՈԼԱՐՈՎ

Սեպտեմբերի վերջի դրությամբ, Վրաստանի արտաքին պետական պարտքը կազմել է 8,45 մլրդ դոլար, ինչը 115,7 մլն դոլարով կամ 1,3 տոկոսով ցածր է մեկ ամիս առաջվա ցուցանիշից:

ՏԱՐԱԴՐԱՍԻ ՓՈԽԱՆԱԿԱՆ ԿՈՒՐՍԸ

(13 հոկտեմբերի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.6980
1 ԵՎՐՈ	2.8653
100 ՌՈՒՔԼԻ	2.7817
1000 ԴՐԱՄ	6.7114

ԷԿՈՆՈՄԻԿԱ

ԼԵՎԱՆ ԴԱՎԻԹԱՇՎԻԼԻ. «ՎՐԱՅԱԿԱՆ ԱՊՐԱՆՔՆԵՐՆ ԱՉԱՏ ԱՌԵՎՏՐԻ ԿԱՐԳՈՎ ՄՈՒՏՔ ԿԳՈՐԾԵՆ ԱՇԽԱՐՀԻ 2,3 ՄԻԼԻԱՐԴ ՄՊԱՌՈՂԱԿԱՆ ՀՈՒԿԱ»



Վրաստանի փոխվարչապետ, Էկոնոմիկայի եւ կայուն զարգացման նախարար Լեւան Դավիթաշվիլին, հանդես գալով երկրի խորհրդարանում, հայտարարեց, որ կարելու է խնդիր է երկրների միջև գործընկերային հարաբերությունների, այդ թվում՝ առեւտրատնտեսական կապերի եւ հեռանկարների իրացման անհրաժեշտությունը:

Լեւան Դավիթաշվիլու խոսքով, այս ուղղությամբ պետք է օգտագործվեն բոլոր կարելու ու արդյունավետ հարթակները գործընկեր երկրների միջև տնտեսական հարաբերությունների զարգացման ու խորացման համար:

- Հարկավոր է նշել, որ վրացական ապրանքներն ազատ առեւտրի պայմանակարգով մուտք կգործեն 2,3 միլիարդ սպա-

ռողական շուկա, ինչը կնպաստի երկրի տնտեսական զարգացմանն ու առաջընթացին,- հայտարարեց Լեւան Դավիթաշվիլին եւ հավելեց, որ ավարտվել են Վրաստանի ու Արաբական Միացյալ Էմիրությունների միջև համապարփակ տնտեսական գործընկերության համաձայնագրի տեքստի շուրջ բանակցությունները, որոնց իրականացումից հետո Վրաստանի ազատ առեւտրի ռեժիմը բարձր գնումներով կբացի ինը միլիոնանոց սպառողական շուկա:

ՏԱՐԱԾԱՆԵՐԶԱՆ

ԱԽԱՔԱՆԱՔԻ ՄՐՅԱՇԱՐ՝ ՄԵԼՔՈՆ ՄԱԿԱՐՅԱՆԻ ԱԶԱԿՈՒԹՅԱՄԲ



Ախալքալաքի մունիցիպալիտետի քաղաքապետ Մելքոն Մակարյանի աջակցությամբ եւ քաղաքապետարանի կրթության, մշակույթի, սպորտի, հուշարձանների պահպանության եւ երիտասարդության հարցերի ծառայության կազմակերպմամբ, անցկացվեց կիբրոքսինգի մրցույթ:

Մրցույթին մասնակցեցին մարզիկներ Վրաստանի տարբեր տարածաշրջաններից եւ Հայաստանից: Մրցաշարն անցավ շատ լարված ու հետաքրքիր:

Մրցանակների արժանացած մարզիկները պարգևատրվեցին զավաթներով, մեդալներով եւ համապատասխան դիպլոմներով:

ՆԻՆՈՇՄԻՆԴԱ. ԴԱՍԵՆԹԱՅ՝ ՄԵԴԻԱ ԲԱՐԱԴՐԻՉԻ ՇՐՋԱՆԱԿՆԵՐՈՒՄ

Հոկտեմբերի 9-10-ը Heks Eper Georgia Քաղաքացիական հասարակության հզորացման ծրագրի մեդիա բա-



ղարդիչի շրջանակներում, Նինոծմինդայում անցկացվեցին վերապատրաստման դասընթացներ տեղական եւ տարածաշրջանային լրատվամիջոցների ներկայացուցիչների, քաղաքապետարանների եւ սակրեբուլոնների հասարակայնության հետ կապերի ծառայությունների համար թիրախ համայնքներում:

«Քաղաքացիական հասարակության հզորացում» սոցիալական, տնտեսական եւ քաղաքական կյանքում հավասար ու լիարժեք մասնակցության համար» նախագիծն իրականացվում է Եվրամիության ֆինանսական աջակցությամբ Heks Eper Georgia-ը՝ համագործակցելով տարածաշրջանային գործընկեր կազմակերպությունների՝ Քաղաքացիական հասարակության ձեւավորումը (SCCSF) Սամցխե-Ջավախեթիում եւ քաղաքացիական ինտեգրման հիմնադրամը (CIF) Քվեմո Քարթլիում աջակցության կենտրոնների հետ:

ՄՊԱՍՈՎԿԱ-ՕՈԼՈՎԿԱ ՃԱՆԱՊԱՐՀԻ ԱՏՖԱՏԱՊԱՏՈՒՄԸ ՄՈՏԵՆՈՒՄ Ե ԱՎԱՐՏԻՆ

Նինոծմինդայի մունիցիպալիտետի ողջ տարածքում ակտիվ շարունակվում է ճանապարհային ենթակառուցվածքների ասֆալտապատումը:

Ավարտին է մոտենում Սպասովկա-Օռլովկա ավտոճանապարհի ասֆալտապատումը:

Տեղում աշխատանքների ընթացքին ծանոթացան Նինոծմինդայի մունիցիպալիտետի փոխքաղաքապետ Արմեն Բոդյանը, վերահսկողության ծառայության եւ շինարարական ընկերության ներկայացուցիչները:

Ինչպես նշեց փոխքաղաքապետը, նշված վայրում երբեւէ ասֆալտ չի եղել, նախագիծն ամբողջապես իրականացվում է տարածաշրջանային զարգացման հիմնադրամի ֆինանսավորմամբ, որի արժեքը 1 623 000 լարի է:

ԱԽԱՆՈՒՄԵ. «ԱՆՅԱՆՎԵՅ ԱՄԵՆԱՅԱՎ ԳԻՆՈՒ ՓԱՌՏՈՆԵ»

Հոկտեմբերի 10-ին, Ախալցխայի բերդի Ռաբաթի տարածքում անցկացվեց արդեն ավանդույթի ուժ ստացած գինու փառատոնը:

Փառատոնի շրջանակներում, անցկացվեցին մի



շարք մարզական եւ մշակութային միջոցառումներ:

Ախալցխայում «Գինու օրերի» փառատոնին, բազում հյուրերի հետ միասին, մասնակցեցին Սամցխե-Ջավախեթի տարածաշրջանում պետական լիազոր-նահանգապետ Բեսիկ Ամիրանաշվիլին, փոխնահանգապետ Դավիթ Վարդաշվիլին եւ Շոթա Ռոստիաշվիլին, Ախալցխայի մունիցիպալիտետի քաղաքապետ Իրակլի Լազարաշվիլին, սակրեբուլոնի նախագահ Դավիթ Լոմիձեն, երկրամասի պետական լիազորի վարչակազմի եւ տեղական ինքնակառավարման ներկայացուցիչներ:

ԾԱԼԿԱ. ՎԵՐԱՆՈՐՈԳՎԵՅ ՌԵԽԱ-ԽԱՆՈՒ ԱՎՏՈՃԱՆԱՊԱՐԶԸ

Ծալկայի մունիցիպալիտետում անցկացվեցին Ռեխա-Խանոու ավտոճանապարհի վերանորոգման աշխատանքները: Նախագծի շրջանակներում, ասֆալտապատվեց 3,5 կիլոմետրանոց ճանապարհահատվածը: Ծալկայի մունիցիպալիտետի քաղաքապետ Իլիա Սաբաձեն ներկա էր վերանորոգված ճանապարհահատվածի հանձնման միջոցառմանը:

Ինչպես նշեց քաղաքապետը, այն ճանապարհի ասֆալտապատումը, որը տարիներ շարունակ բնակիչների համար հիմնախնդիրներ էր ստեղծում, ֆինանսավորվել է տարածաշրջաններում իրականացվող նախագծերի հիմնադրամից ու տեղական բյուջեից:



Պատրաստեց ԱՐԵՎԻԿԱ ՄԱՆՈՒԿՅԱՆԸ

ՎՐԱՍՏԱՆ - ԱՂԻՐԵԶԱՆ

«ՀԱՐԱՎԱՅԻՆ ԿՈՎԿԱՍԻ ԵՐԵՔ ԵՐԿՐՆԵՐԸ ՊԵՏՔ Է ԿԱՐՈՂԱՆԱՆ ԻՆՔՆՈՒՐՈՒՅՆ ԼՈՒԾԵԼ ՏԱՐԱԾԱՇՐՋԱՆԱՅԻՆ ՀԱՐՑԵՐԸ»

(Սկիզբը՝ 1-ին էջում) Խաղաղության հաստատմանը, իսկ Թբիլիսիին պատրաստ է կատարել միջնորդի դեր գործառնությունների բարեկամական հարաբերությունների հաստատման գործընթացում:

- Մենք լիովին համաձայն ենք այս հարցում, որ խաղաղության պայմանագիրը, կարծում են, կնպաստի Հարավային Կովկասում երկարաժամկետ խաղաղության հաստատմանը, որը բարգավաճում կբերի մեր ժողովուրդներին՝ Հայաստանին, հայ ժողովրդին, Ադրբեջանին, Ադրբեջանի ժողովրդին, Վրաստանին, վրաց ժողովրդին:

Վրաստանն այս գործընթացում միշտ անաչառ, չեզոք դիրք է գրավել: Մենք հիմա էլ պատրաստ ենք մեր համեստ ներդրումն ունենալ այս միջնորդական կամ բարեկամական ձեռնարկի կայացման գործընթացում: Թբիլիսին միշտ պատրաստ է մասնակցել այս գործընթացին, մեր ապագան պետք է լինի խաղաղ, կայուն: Եվ մենք՝ Հարավային Կովկասի բոլոր երեք երկրներս, պետք է կարողանանք ինքնուրույն լուծել տարածաշրջանի հարցերը եւ մեր հետագա զարգացումը,- հայտարարեց Իրակլի Դարիբաշվիլին:

ԻԼՀԱՄ ԱԼԻԵՎ. «ԵԹԵ ՀԱՅԱՍՏԱՆԸ ՀԱՄԱՁԱՅՆՎԻ, ԱՊԱ ԱՆՄԻՋԱՊԵՍ ԿՍԿՍԵՔ ԵՐԿԿՈՂՄ ԵՎ ԵՌԱԿՈՐՄ ՀԱՆԴԻՊՈՒՄՆԵՐԸ ՎՐԱՍՏԱՆՈՒՄ»

Ադրբեջանի նախագահ Իլհամ Ալիևը, Վրաստանի վարչապետ Իրակլի Դարիբաշվիլու հետ համդիպումից հետո անցկացված համատեղ մամուլի ասուլիսում, հայտարարեց, որ հայ-ադրբեջանական հարցում Վրաստանի ներգրավածությունն անհրաժեշտ է, եւ շնորհակալություն հայտնեց Իրակլի Դարիբաշվիլուն այդ հարցում միջնորդի դերը ստանձնելու պատրաստակամության համար:

- Հարավային Կովկասին անհրաժեշտ է խաղաղություն,- հայտարարեց Ադրբեջանի նախագահն ու հավելեց,- այսօր մենք խոսեցինք Հայաստանի եւ Ադրբեջանի միջեւ հարաբերությունների կարգավորման մասին: Երկրորդ պատերազմը, որը տեղի ունեցավ Լեռնային Ղարաբաղում հանգեցրեց մեր տարածքային ամբողջականության վերականգնմանը, վերականգնեց ողջ երկրի ինքնիշխանությունը այսօր մենք պետք է ակտիվորեն աշխատենք Հայաստանի հետ խաղաղության համաձայնագրի վրա: Հուսով եմ՝ մենք կհասնենք դրան եւ կստեղծենք քաղաքական միջավայր ու իրավիճակ Հարավային Կովկասում, որտեղ փոխադարձ համագործակցություն տեղի կունենա Վրաստանի, Հայաստանի եւ Ադրբեջանի ներգրավմամբ:

Ինչպես գիտեք, այսօր մի քանի երկրներ եւ միջազգային կազմակերպություններ միջնորդի դերում են, կարգավորման գործընթացում Վրաստանն ու Ադրբեջանն ընկալունակ դիրքորոշում ունեն, սա անաչառ դիրքորոշում է մեր երկրների տարածքային ամբողջականության նկատմամբ: Մենք ընդունում ենք ցանկացած օգնություն, բայց իմ պատկերացումն այն է, որ ամենաճիշտ ընտրությունը կլինի այս պատմական ասպեկտը: Մեզ անհրաժեշտ է Վրաստանի ներգրավվածությունն այս իրավիճակում, եւ եւ շնորհակալություն եմ հայտնում պարոն վարչապետին օգնելու պատրաստակամության եւ միջնորդի դեր ստանձնելու համար: Վրաստանն այն երկիրն է, որը պատրաստ է, եւ մենք նույնը սպասում ենք Հայաստանից: Եվ եթե Հայաստանը տա իր համաձայնությունը, մենք անմիջապես կսկսենք երկկողմ եւ եռակողմ հանդիպումները Վրաստանում,- հայտարարեց Իլհամ Ալիևը:

ՎՐԱՍՏԱՆ - ՀՈՒՆԳԱՐԻԱ

ՀՋՈՐ ԱԶԴԱՎ՝ ՎՐԱՑ-ՀՈՒՆԳԱՐԱԿԱՆ ՀԱՐԱԲԵՐՈՒԹՅՈՒՆՆԵՐԻ ԶԱՐԳԱՑՄԱՆԸ

(Սկիզբը՝ 1-ին էջում)

դապեշտում եւ Վրաստանի ու Հունգարիայի միջեւ ստորագրված ռազմավարական գործընկերության մասին հռչակագիրը գործնական իրականացման մի մասն է:

Կողմերն անդրադարձան նաեւ Վրաստանի՝ Եվրամիությանն անդամակցության գործընթացին: Խոսելով Եվրախնտեզման մասին՝ Իրակլի Դարիբաշվիլին նշեց, որ կառավարությունն ապահովել է 12 առաջնահերթությունների կատարման բաց, թափանցիկ եւ ներառական գործընթացը, եւ տարեվերջին երկիրը սպասում է Եվրամիության արդար ու արժանիքների վրա հիմնված որոշմանը: Իր հերթին, Վիկտոր Օրբանը նշեց, որ Հունգարիայի պատրաստակամությունը, ըստ ամենայնի, նպաստում է Եվրախնտեզման գործընթացի հաջող իրականացմանը:

Վիկտոր Օրբանի հայտարարությամբ, Վրաստանը լրիվությամբ արժանի է անդամակցել Եվրամիությանը: Հունգարիայի վարչապետի հավաստմամբ, արդեն տարեվերջին Եվրամիությունն իր գազաթափողվում արժանիորեն կգնահատի Եվրահանձնաժողովի 12 հանձնարարականների կատարման ուղղությամբ Վրաստանի ձեռքբերումներն ու կընդունի Վրաստանին Եվրամիության թեկնածուի կարգավիճակի շնորհման արդարացի որոշում:

Կողմերն ամփոփեցին երկրների միջեւ տնտեսական համագործակցության ուղղությամբ ձեռք բերված առաջընթացը: Նշվեց, որ 2023 թվականին ապրանքաշրջանառությունն աճել է 21 տոկոսով եւ կազմել 46,62 մլն դոլար:

Անդրադառնալով առանձին ոլորտներում համագործակցության հարցին՝ Վիկտոր Օրբանը նշեց, որ Հունգարիան 80 կրթաթոշակ կտրամադրի վրացի ուսանողներին, եթե նրանք գնան Բուդապեշտ՝ Հունգարիա եւ սովորեն:

Իրակլի Դարիբաշվիլին եւ Վիկտոր Օրբանը քննարկեցին նաեւ կովկասյան տարածաշրջանն ու Եվրոպան կապող սեւծովյան սուզանավային էլեկտրական մալուխի նախագծի դիմամիկան:

Երկու երկրների վարչապետերը համատեղ մամուլի ասուլիսում հանրագումարեցին կայացած բանակցությունների արդյունքները, նշեցին որ պաշտոնական այցի շրջանակներում, երկու երկրների միջեւ ստորագրվել են համագործակցության մի շարք համաձայնագրեր:

Մասնավորապես, բանակցությունների արդյունքում կողմերը ստորագրեցին Վրաստանի եւ Հունգարիայի միջեւ համատեղ հռչակագիրը: Վրաստանի վարչապետ Իրակլի Դարիբաշվիլու եւ Հունգարիայի վարչապետ Վիկտոր Օրբանի կողմից ստորագրած հռչակագրում ձեւակերպված են երկ-



կողմ հարաբերությունների զարգացման ուղղությունները:

Համապատասխան գերատեսչությունների ղեկավարների կողմից փոխհամագործակցության համաձայնագրեր ստորագրվեցին էկոնոմիկայի, ֆինանսների, պաշտպանության ոլորտի, արդարադատության, կրթության, մշակույթի, ներքին գործերի ոլորտներում:

Ստորագրած համաձայնագրերը ներառում են նաեւ տարբեր ոլորտներում համատեղ ծրագրերի իրականացման հեռանկարներ, որոնք, կողմերի հավաստմամբ նշանակալի ազդակ կհաղորդեն վրաց-հունգարական հարաբերությունների զարգացմանը:

Ստորագրված համաձայնագրերից էին նաեւ համապատասխան իրավասու մարմինների կողմից ստորագրված տարածաշրջանների միջեւ հարաբերությունների զարգացման պայմանավորվածությունները:

Պաշտոնական այցի շրջանակներում, Վրաստանի վարչապետը Հունգարիայի վարչապետին ու նրան ուղեկցող պաշտոնատար անձանց իրավիճակը Կախեթի տարածաշրջանի Ծինանդալի գյուղ, որտեղ էլ անցկացվեցին համատեղ մամուլի ասուլիսն ու համաձայնագրերի ստորագրման արարողությունը:

Վրաստանի վարչապետ Իրակլի Դարիբաշվիլին ու Հունգարիայի վարչապետ Վիկտոր Օրբանն իրենց տիկնանց հետ այցելեցին նաեւ Ալավերդու վանք, որտեղ հյուրերին հյուրընկալեց աբբա Ալավերդելի միտրոպոլիտ Դավիթը:

Վարչապետերն ուսումնասիրեցին հնագույն գինու մառանը եւ ծանոթացան գինու նկուղում հնագիտական աշխատանքների ընթացքում հայտնաբերված ցուցանմուշներին: Վրաստանի եւ Հունգարիայի վարչապետերը Ալավերդու վանքի 11-րդ դարի նկուղում համատեղեցին նաեւ հնագույն տեխնոլոգիաներով պատրաստված «Քվերի» գինին:

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ



ՀԱՅՏՆԱԲԵՐՎԵԼ Է ՄԵԾ ՔԱՆԱԿՈՒԹՅԱՄ ՉՀԱՅՏԱԳՐՎԱԾ ԾԽԱԽՈՏ

Վերջին մեկ ամսվա ընթացքում «Սարփի» սահմանային անցակետում բացահայտվել են երկրի տարածք մեծ քանակությամբ չհայտագրված ծխախոտի ապօրինի ներկրման փաստեր:

Վրաստանի ֆինանսների նախարարության եկամուտների ծառայության մաքսային աշխատակիցները, տարբեր երկրների քաղաքացիների ինչպես անձնական խուզարկության, այնպես էլ՝ նրանց ուղեբեռի ու ավտոտրանսպորտային միջոցների կասկածի հիման վրա անցկացրած խուզարկության արդյունքում, հայտնաբերել են 32 680 գլանակ չհայտագրված ծխախոտ:

Վրաստանում գործող օրենսդրության հա-

մաձայն, օրինախախտում թույլ տված քաղաքացիներից՝ որպես պատժամիջոց, չհայտագրված բեռը բռնագրավվել է եւ սահմանվել 1000-ական լարի տուգանք: Օրինախախտ երկու քաղաքացու նկատմամբ՝ որպես պատժամիջոց, բեռի բռնագրավումից բացի, սահմանվել է 3 հազար լարիի տուգանք, քանի որ նրանց կողմից դա իրավախախտման երկրորդ դեպքն էր:



ԿԱՆԽԿԵՑ ԶՀԱՅՏԱԳՐՎԱԾ ՈՍԿՈՒ ՆԵՐԿՐՄԱՆ ՓԱՍՏԸ

Վրաստանի ֆինանսների նախարարության եկամուտների ծառայության մաքսային աշխատակիցները «Սարփի» եւ «Սադախլու» ավտոմոբիլային սահմանային անցակետերում, կասկածի հիման վրա, Վրաստանի եւ օտարերկրյա քաղաքացիների ինչպես անձնական, այնպես էլ նրանց ուղեբեռի խուզարկության արդյունքում, հայտնաբերել են չհայտագրված ոսկյա զարդեր՝ 135,2 գրամ ընդհանուր քաշով:

Զհայտագրված ապրանքի ընդհանուր արժեքը կազմում էր 12 341, 67 լարի:

Վրաստանի մաքսային օրենսգրքի համապատասխան



հողվածի համաձայն, իրավախախտ քաղաքացիների համար սահմանվել է ընդհանուր տուգանք 12 341,67 լարիի չափով:

ԵԿԱՄՈՒՏՆԵՐԻ ԾԱՌԱՅՈՒԹՅԱՆ ԱՇԽԱՏԱԿԻՑՆԵՐԸ ՀՅՈՒՐԸՆԿԱԼԵՑԻՆ ՈՒԿՐԱԻՆԱՑԻ ՄԱՔՍԱՅԻՆՆԵՐԻ ԶԱՎԱԿՆԵՐԻՆ

Վրաստանի ֆինանսների նախարարության եկամուտների ծառայության աշխատակիցները հյուրընկալեցին ուկրաինացի մաքսային աշխատակիցների երեխաներին:

Վրաստանի ֆինանսների նախարարության եկամուտների ծառայության ու Վրաստանի բիզնես սոցիալացիայի (BAG) ներգրավմամբ եւ Ուկրաինայի պետական մաքսային ծառայության հետ համագործակցությամբ, Վրաստանում իրականացվեց ուկրաինացի երեխաների հանգստի ծրագիրը:

Միջոցառման շրջանակներում, երեխաները եղան Աշարիայում, այցելեցին տեսարժան եւ ժամանցային վայրեր: Նրանք այցելեցին նաեւ «Սարփի» մաքսային անցակետ: Նշենք, որ ուկրաինացի մաքսային աշխատակիցների երեխաները Վրաստանում հյուրընկալվել էին նաեւ անցյալ տարի:

